



Kommunalbestyretsi 30. marts 2022 nal. 10:00

**Kommune Qeqertalik Kommunalbestyretsi
04-2022**

Hansen, Ane	IA
Lundblad, Frantz	IA
Broberg, Bia A.	IA
Nathanielsen, Karl Thue	IA
Aronsen, Hans	IA
Lundblad, Klaus	IA
Kristensen, Niels	IA
Larsen, Mariane S.	IA
Jeremiassen, Kristian	IA
Heilmann, Simigaq	D, ataatsimiinnermi peqataanngilaq
Kristensen, Naja	A
Jeremiassen, Otto	S, sinnisissaq Marius Samuelsen peqataavoq
Sandgreen, Enok	S
Samuelsen, Aqqa	S
Frederiksen, Ole I.	S

Ataatsimiinnermi aqutsisoq: Ane Hansen, IA

Allatsi: Kulunnguaq Reimer Olsen

Ataatsimiinneq: Teamsikkut

ULLORMUT OQALUUSERISASSAT

22-014 Tapiisarnermut ileqqoreqqusap nutarterneqarnera	3
22-015 Kommune Qeqertalimmi eqqaaveqarnermut tunngasumik pilersaarusiornissaq	7
22-016 Deloittep kukkaneriuisutut 2020-mut nalunaarutaata kiisalu kommunip tassunga akissutaata saqqummiunneri.....	9
22-017 ESANI A/S - piginneqataassutinik qularnaveeqqusiiineq	12
22-018 Sanaartornermut- aamma iluarsartuussinernut Aningasaateqarfimmik pilersitsineq.	16
22-019 Upalungaarsimaneq pillugu ataatsimiititaliamut ilaasortassamik ataatsimik qinersineq	18
ILISIMATISSUTIT	20
22-020 Immikkut qinnuteqaat innarluutillit pillugit naalakkersuisoqarfimmut nassiunneqarpoq	20
22-021 Borgmesterip kommunalbestyrelsi sinnerlugu aalajangernera pillugu ilisimatitsissut	22
22-022 Piffissami februar 2022-mi naatsorsuutit pillugit ilisimatitsineq	23
ATAATSIMIINNEQ NAAVOQ:	24
ATSIORFISSAQ:.....	24

Oqaluuserisaq	Oqaluuserisassat akuerineqarnerat
---------------	-----------------------------------

Oqaaseqaatit:

AALAJANGERNEQ:

Oqaluuserisassat akuerineqarput.

Suliap nr.	22-014	Ilanngussap normua	14	Journal nr.	
Eqqartugaq	22-014 Tapiisarnermut ileqqoreqqusap nutarterneqarnera				

EQIKKAANEQ:

Kommune Qeqertalimmi Tapiisarnermut ileqqoreqqusaq pisoqalisoq ullutsinnut naleqqussarlugu suiliareqqinnejartariaqarpoq. Kikkut qanorlu annertutigisumik taperneqarsinnaaneri ileqqoreqqusami ersissapput. Aammalu Avannaata qimusseruanut tunngatillugu allannguutit ilanngunneqarsimassallutik.

SULIAP SAQQUMMIUNNEQARNERA:

Tapiisarnermut ileqqoreqqusaq nutarterneqarnissaanut pissutaavoq maanna atuuttoq Qaasuitsup Kommuniungallarmalli malitsigisaanik malinnaaginnarsimavoq, Kommune Qeqertallip anguniangaanut tulluarsarneqarani. Allassimasut kukkanneqartut, allassimasut kikkunnut tunngasut ersernerluttut assigisaalu. Matumani nutarterinermi ersarissumik allassimasut ilanngussami takuneqarsinnaapput.

Aningaasaliissutaasimasut aamma ersarissumik aningaasaqarnikkut naatsorsuutinik (Regnskab) pisalernissaq sukannersumik piumasaqaatitut ilaalisaaq.

Aalasa peqataaffigartulernerani aamma Meeqqat inuusuttuaqqallu 18 inorlugit ukiullit timersorneq aqutigalugu angalasarnermut taperneqarsinnaanerat qaffanneqassaaq tamannalu 60%-miit 90%-ngorlugu qaffanneqassaaq.

Allanguutit ilangivaat inoqarfinni 1.500 inorlugit innuttaasulinni inersimasut 18-niit qummut ukiullit timersornikkut unammersuarlutik angalasarnerannut 80%-miit 70%-mut apparneqarpoq, aningaasatigut nammassinnaanerunissaa 18 inorlugit ukiullit procent qaffariarnerani iluarsiissuteqartariaqarmat.

Siunnersuutigineqartoq Illerfissarsiutileqatigiinnut tapiisarneq ilanngunneqanngilaq, taamaattorli peqatigiiffittulli allatut katersuiniarnissanut qaammarsaanerit TIMI TARNImiit ingerlanneqarnerulissapput peqatigiiffinnut tamanut.

Taamatuttaaq atuartut paasisassarsiorlutik angalasarnerani qinnuteqarsinnaanermut periarfissaq ilanngunneqarsimangaluartoq peerneqarpoq, nammineq aningaasannanniarlutik ingerlatsisarnerat ingerlalluarmat maanna ingerlanermisut. Aanna nammineq atuartut angajoqqaavi katersiniarnermut suliniuteqartarnerat ajunngitsumik ingerlavooq. Taamaasilluni kajumissutsimik sulinerat ingerlatiinnassaaq Kommunemiit tapiutinik naatsorsuuteqaaannanngikaluarlutik.

TIMI TARNImi atorfilinnut tusarniaaneq ingerlanneqarpoq, kingornalu aamma innuttaasunut peqatigiiffinnut tusarniutigineqarpoq (Takukkit siunnersuutit ilanngussaq 3-mi).

Tusarniaarnermi annerusumik maluginiagassaapput peqatigiiffimmiit ataatsimiit meeqqanut tapiisarneq 90%-ngortinnagu 100% anguneqarusuttoq. Tamanna allannguuteqassanngitsoq inassutigeqqunarpoq.

Avannaata qimusseruanut tapiisarneq ukioq allorlugu pisartussaq akerliuffigineqarpoq peqatigiiffimmiit ataatsimit. Tamannattaaq allanngortinneqassanngitsoq inassutigeqqunarpoq.

Peqatigiiffiit ataatsimeersuarnerannut peqataatisinissamut taperneqarneq itigartitsissutigineqarsimasoq ersarinnerusumillu ilanngunneqarnissaa siunnersuutaanani.

Skivemut atuarfik aqutigalugu atuartunik aallartitsisarnermi taperneqarsinnaaneq periarfissaalermissaa. Angajoqqaat susassaqartitsiutingalutik aningaasannanniarnerat ingerlanneqaannassasoq inassutigeqqunarpoq.

U7-niit U15 tikillugu taperneqarsinnaaneq periarfissaannginnera apeqquserneqarpoq, tamanna GIF akuerisaani ilaanginnerannik peqqueteqartumik. Saaffiginnissut GIF-imut saaffiginnissutaanissaa innersuunnarpoq, U7-niit U15 akuerisaasumik unammersuarnerut akuerineqarnissaanik

saaffiginneqqussummik. Kommunitsinni immikkut akuerisanngortinngikkaluarlugu.

Kajumissutimik sungiusasut 18-leereersunut akissarsitinneqartalernissaat eqqartorneqarsinnaavoq.

Kisianni oqaaseq kajumissutsimik atornissaa tulluarunnaassaaq. Allanngortinnagu taamaaginnarnissaa inassutigeqqunarpooq.

Isikkammik aammalu assammik arsarnermut sungiusasoqartarneri (Håndbold- & Fodboldskole) allanut aamma timersuutinut periarfissaalernissaa. Soorlu ataartut.

Kredsmesterskab-ertut taperneqartalernissai, Qeqertallip inoqarfianinaaniinngikkaluartut aamma, soorlu Ilulissaniissappat.

Taakkuunerupput tusarniaanermi qisuarialtigineqartut.

Aningaasaliissutit sinaakkutit iluani annertunerulerpata timersornikkut kulturillu iluanni siuarsanernut atorluarneqarsinnaapput. Assersuutigalugu timersornikkut sungiusarnermi atortorissaarutit ikiuutaalluarsinnaasutpisaarineqarsinnaapput, kulturikkut aammalu sunngiffimmi sammisassani atortorissaarutinerisarneqarsinnaapput. Tamannalu pisinnaalluni aatsaat qulaani % qaffannerani immikkut aningaasat ilaneqassappata.

ANINGAASATIGUT KINGUNISSAI:

Atuutsilerneranili ersarissumik sinaakkutinngornerani aningaasaliissutit ukiumut sinaakkutit iluaniittut atorfissaminnut atorneqarsinnaalernissai qualkkeerneqassaaq.

Meeqnanut inuusuttunullu 18 inorlugit ukiulinnut timersorneq aqqutigalugu angalanermut aningaasartuutaannik 90%-mik tapiisalerutta Kommunalbestyrelsemiit sinaakkutinut missigersorlugu 150.000kr annertuliisoqassaaq. Taamaanngippat Avannaata qimussersuanut aammalu inersimasut unammiarlutik angalanermut inoqarfinni 1.500 inorlugit inulinniit aningaasaliissutit % apparneraniit matussusiisoqassaaq tamakkinngikkaluarlugu. Taamaattoq siunertanut inerisaanermullu atorneqarsinnaangaluartut matussusiinermut atorneqassapput.

U18 90%-mut qaffannera aningaasatigut 151.001,46 kr. aningaasartuutaaffiunerulissaaq.

Inoqarfiiit 1.500 inorlugu inuttussusilinni tapiisarneq 80%-miit 70%-mut apparneranut 49.932,56kr-mik aningaasartuutaasartunik atuinikinnerulerlitsissaaq.

Avannaata qimussersuanut tapiissutaasartunut 60%-miit 40%-mut apparneranut 92.168kr-mik aningaasartuutinik atuinikinnerulersitsissaaq.

Missigersorneri imminnut matussusiissappata -8.900,90 kr. missaaniissaaq. Taamaattoq qulaani missigersuutit annerusinnaallutillu minnerusinnaapput, illoqarfiiit unammiarfiit sumiiffii apeqqutaaqqinnaartarmata.

KINGUNISSAT:

Tapiissutinik pissarsisartunut aammalu TIMI TARNImiit ileqqoreqqusat paasuminarnerulerlutilu ersarninninngussapput, oqaaserpassuit atunngikkaluarlugin allattorsimalermata. Kingunerissavai aningaasat sinaakkutit iluaniittut atorfissavimminnut atorneqarsinnaalernissai.

Kulturimut attuumappata sunngiffimmut attuumappata aammalu timersornermut pitsaliuinermullu attuumappata eqqortumik aningaasaliissutaasalernissaanik kinguneqassaaq.

Avannaata qimussersuanut tapiissutaasartut % appariarpas aammalu ukioq allorlugu pisalerpat aningaasaliissutaasartut allanut siuarsanermut ingerlatsinermullu atorluarsinnaalissapput.

Meeqqat timersoriarniarlutik angalasartut pissarsilliarsimallutik misigisaqangaarsimallutillu unammiareerlutik inuttut ineriaartuutigisaminnik angalasinnaanerat oqinnerulissaaq.

INATSISITIGUT TUNNGAVIUSOQ

- Kommune Qeqertalimmi Inuit Ataqatigiit Atassullu politikkikku suliassatut pingaartitat anguniagassallu 2021-2025-mi 9-mi “Tapiisarnermut ileqqoreqqusap nutarterneqarluni aallartinneqarsimasup nangeqqinnissaa”
-

SULIAP SULIARINEQARFIA:

Ataatsimiititaliaq TIMI TARNI
Ataatsimiititaliaq INUA
Kommunalbestyrelse

INASSUTEQAAT:

- Allattoqarfiup Ataatsimiititalianianut inassutingaa Tapiisarnermut ileqqoreqqusaq siunnersuutitut allassimasup tusarniutigineqareersullu imarisaa allangornagu atuutsilernissaa akuereqqullugu.
- Inassuteqaatigalugulu aningaasanik qaavatigut TIMI TARNImi 150.000 kr. timersornermut missigersuutip sinaakkutaannut annertuliisoqassasoq akuereqqullugu.

ILANNGUSSAT:

- Ilanngussaq 14-01 – Tapiisarnermut ileqqoreqqusaq 2022
- Ilanngussaq 14-02 – Tilskudsvedtægt 2022
- Ilanngussaq 14-03 – Tusarniaanermi akissuteqaatit
- Ilanngussaq 14-04 – Avannaata Qeqertarsuaq 2017
- Ilanngussaq 14-05 – Tapiisarneq missigersuut
- Ilanngussaq 14-06 – Kangaatsiaq Timersornikkut kulturikkullu tapiissutit
- Ilanngussaq 14-07 – U18 Qeqertarsuaq 2018
- Ilanngussaq 14-08 – O18 Qeqertarsuaq 2019
- Ilanngussaq 14-09 Karl Thue Nathanielsenip Kommune Qeqertalimmi tapiisarnermut ileqqoreqqusap allangornissaanut siunnersuutaa

AALAJANGERNEQ:

Ataatsimiititaliaq Timi Tarni ulloq 10. Marts 2022 ataatsimiinnerani aalajangerneq:

Inassuteqaat akuerineqarpoq.

Paragraf 9 peerneqarnissaa innersuussutigineqarpoq. Majoriamiit tapiisarnerit ingerlanneqarmata aqunneqarlutillu.

Siumut: Avannaata Qimussersanut tapiissutaasartut 60%-imiinginnarnissaa kissaatingaa.

INUUA-nut ingerlateqqissooq.

AALAJANGERNEQ:

Ataatsimiititaliaq Inua ulloq 22. Marts 2022 ataatsimiinnerani aalajangerneq:

Inassuteqaat akuerineqarpoq.

Siumut: Avannaata Qimussersuanut tapiissutaasartut 60%-imiinginnarnissaa kissaatigaa.

Ataatsimiititaliaq Timi Tarnimik inassuteqaataa Kommunalbestyrelsimeut ingerlateqqinnejarnissaa akuerineqarpoq.

AALAJANGERNEQ:

Tapisarnermut ileqqoreqqusaq allangortillugu akuerineqarpoq:

- Sumiiffinni 1500 ataallugit innuttalinni 18-it qulaallugit ukiullit tapiiffigineqartarnerat 80%-iuinnarnissaa inassutigineqarpoq. Ilanngullugu utoqqaat amerliartuinnartut peqqinnerulernissamut tunngassutilinni aamma periarfissatigut assigiissagaasumik atungassaqarnissaat isumaqarpugut tapersorsorlugu ersersittariaqaripput. Inersimasunut tapiissut assigalugu inissillugu. Aningaasat matussutaasussat Ataatsimiititaliaq Timi Tarnimit immikkut aningaasaliissutissatut qinnutigineqassapput.

- Peqatigiiffit qimussernermik suliaqartut tapiisarneq 40%-iutillugu ukiut tamaasa tapiisoqarsinnaanera akuerseqataaffigineqarpoq.

Suliap nr.	22-015	Ilanngussap normua	15	Journal nr.
Eqqartugaq	22-015 Kommune Qeqertalimmi eqqaaveqarnermut tunngasumik pilersaarusiornissaq			

EQIKKAANEQ:

Kommune Qeqertalimmi eqqaaveqarnermut pilersaarut suliarineqarnikuovoq. Tassunga atatillugu nuna tamakkerlugu Kommune Qeqertalik suliniummut peqataavoq, ESANI. Suliniut aallartisarnissaanut eqqaaveqarnermut pilersaarut suleriusissanik aalajangiiffigineqartussaavoq.

SULIAP SAQQUMMIUNNEQARNERA:

Kommune Qeqertalik eqqakkat suliniuteqarfiginissaanut nuna tamakkerlugu piginneqartigiiffimmut ESANI-mut ilanngunnikuovoq. ESANI-mi suliniutit aallartisarnissaanut eqqakkat kommunitsinni suliareqqinnissaanut pilersaarummik aallartitaqartoqarnikuovoq.

Pilersaarummut atatillugu aalajangigassat sullissinermut tunngasut pisariaqartinneqarput. Suliffeqarfik ESANI ataavartumik ingerlalernissaanut Kommune Qeqertalik eqqakkat inatsit avatangiisnut tunngasoq naammassiniartusasavaa. Tassa inatsimmi piumasaqaatit sukannersut naammassisanganneq suleriutsinik sullissinermut tunngassuteqartunik naleqqussartoqartussaavoq.

Naleqquaussaatissat ilangaat eqqakkat suliarinerannut qanoq inoqarfimmiiit ikuallaaveqanngitsumiit suliareqqiffissaanut ingerlateqqittarnissaat.

Allattoqarfimmiiit siunnersuutigineqartut ataani allattoqqapput:

Eqqakkat ikuallanneqarsinnaasut:

Inoqarfinniit eqqakkat Aasiannut ikuallaavimmut ingerlateqqinnissaat pilersaarusiorneqassaaq. Assartuinissamullu akinik aallerfingineqarlutik.

Eqqakkat ikuallanneqarsinnaangitsut suliareqqinnissaannut nassiunnissaannullu pilersaarummi suliarineqartumi siunnersuutigineqarput.

Eqqakkat suliareqqinnissaannut eqqakkat annertussusaat aallaavigalugit eqqakkanik suliariinninnissaq ingerlanneqassaaq.

ANINGAASATIGUT KINGUNISSAI:

Eqqakkat assartornissaannut inoqarfinniit akinik aallernermeri aki tunngaviusussaq nassaarineqassaaq. Misilittakkat malillugit kommunitsinni assartuitutit atuuttarnikut tunngavigingaanni 200 m^3 missingersorneqarsinnaavoq kr. 40.000 missaani. Taanna aki siorartaat assartuitinnerani ataasiarernermeri akigititaasartoq saqqummiunneqarpoq. Erseqqissaatigineqassaaq akimik aallernermeri assartuisinnaasut neqeroortinnejingimmata suli.

KINGUNISSAT:

Eqqakkanut pilersaarut naammassilluni suliarineqarpat Kommune Qeqertalimmi eqqakkat ikuallanneqarsinnaasut ikuallanneqarsinnaangitsullu suliareqqinnissaannut Kommune Qeqertalik suleriutsimik tingussaasumik malitassaqlissaaq.

INATSISITIGUT TUNNGAVIUSOQ

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq
- Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersoq

SULIAP SULIARINEQARFIA:

Ataatsimiititaliaq Inoqarfik – Ataatsimiititaliaq Inua – Kommunalbestyrelse

INASSUTEQAAT:

Allattoqarfip ataatsimiititaliaq Inoqarfik, Ataatsimiititaliaq Inua aammalu Kommunalbestyrelsismut inassutigaa:

Kommunip eqqakkat pillugit pilersaarut tusarniutissanngorlugu akuerissagaa.

ILANNGUSSAT:

Ilanngussaq 15-01: Kommunip eqqakkat pillugit pilersaarutaa

Ilanngussaq 15-02: Eqqakkat nalunaarsorneri - eqikkaaneq

Ilanngussaq 15-03: Inoqarfinni eqqakkat annertussusiisa missingorsorneri

Ilanngussaq 15-04: Suliassat nalilorsorneri

Ilanngussaq 15-05: Eqqakkat suliarinerini aningaasartuutissat missingorsorneri

Ilanngussaq 15-06: Tidsplan

AALAJANGERNEQ:

Ataatsimiititaliaq Inoqarfik ulloq 8. Marts 2022 ataatsimiinnerani aalajangerneq:

Piaartumik qanoq eqqakkanik poortuisarneq eqqarsaatigalugu naleqqussarsimatigineq misissorneqassasoq kissaatigineqarpoq, aamma ukioq manna eqqakkat assartorneqarnissaat pisariaqartitsivissuniit ataavartumik ingerlanneqassasoq aalajangerneqarpoq, upernarpallaartinnagu qualaajaaneq ingerlanneqassasoq ilanngullugu aamma aalajangerneqarpoq.
Inassuteqaat akuerineqarpoq, suliaq suliareqqinnejqassaaq.

AALAJANGERNEQ:

Ataatsimiititaliaq Inua ulloq 22. Marts 2022 ataatsimiinnerani aalajangerneq:

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq.

Suliap nr.	22-016	Ilanng. nr.	16	Journal nr.	
Oqaluuserisassaq	22-016 Deloittep kukkuneriusutut 2020-mut nalunaarutaata kiisalu kommunip tassunga akissutaata saqqummiunneri				

UTEQQIINEQ:

Deloittep kukkuneriusutut 2020-mut nalunaarutaata kiisalu kommunip tassunga akissutaata saqqummiunneri

SULIAP NAAMMASSINISSAA:

Kommune Qeqertalimmi ataatsimiititaliap Inuap communalbestyrelsimit ulloq 29. april 2021-mi kukkuneriorneqartussatut akuerisinnarlugit nassiussai ukioq 2020-mut naatsorsuutit saqqummiussai maanna kukkuneriusut kukkunersiorlugit naammassivaat.

Tamatuma kingorna Deloitte ima inerniliivoq:

Ukiumut naatsorsuuseriffiusumut 01.01.2020 – 31.12.2020, Kommune Qeqertaliup ukiumoortumik naatsorsuutai kukkunersiorpavut.

Ukiumoortumik naatsorsuutit quppernerni 32-47-niippuit, ilanngullugit naatsorsuutit nassuaataat, an- gusatnalunaarsorneqarnerat, oqimaaqtigiiissitsineq, aningaasat kaaviliaartitat nalunaarsorneqarne- rat, ilanngussat, naatsorsuuserinermi periuseq atorneqartoq kisitsisinik pingaarnernik makkuninnga imalik:

- Ukumi angusat 23.356 t.kr. (sinneqartoorutit)
- Pigisat tamarmik katinnerat 219.020 t.kr.
- Nammineq aningaasaatit (kontomi aningaasaatit) tamarmik katinnerat 196.130t.kr.

Ukiumoortumik naatsorsuutit saqqummiunneqarput Kommunit aamma Namminersorlutik Oqartussat missingersuutaat aamma naatsorsuutaat pillugit Inatsisartut inatsisaat nr. 26, 28. november 2016-imeersoq naapertorlugu (Missingersuusiortarnermut inatsit).

Uagut paasinnittaaserput naapertorlugu ukiumoortumik naatsorsuutit sutigut tamatigut eqqortunik takutitsippit, tamanna isumaqarpoq Kommunit aamma Namminersorlutik Oqartussat missingersuutaat aamma naatsorsuutaat pillugit Inatsisartut inatsisaat nr. 26, 28. november 2016-imeersoq naapertorlugu suliarineqarsimasut (Missingersuusiortarnermut inatsit).

Deloitte ukiumut naatsorsuutinik kukkunersiuereerlutik ima kukkunersiusutut oqaaseqaasiorput:

Nr.	Kukkunersiusut oqaaseqaataat	Innersuut	Pissutsit
2020-01	Kommunalbestyrelsimi ilaasortat akissaataannut aaqqiissutissat amigaataasut		Ammavoq
2020-02	Kontonik naleqqatigiissitsinermi amigaatit		Ammavoq
2020-03	Kommunimi sanaartornermi suliniutit nalunaarsorne-qarnerannik pissarsisoqarsinnaasimanngilaq, tamatuma kinguneranik inatsisitigut pisussaaffik naapertorlugu kukkunersiuineq amigaateqarsinnaavoq		Ammavoq
2020-04	Aningaagartuutit aamma isertitat kukkusumik piffissalersugaanerannut aarlerinaatit		Ammavoq
2020-05	Aningaasaqarnermik aqutsissummi nutaami akiliga- ssaqarfiiut tunngaviusumik paassisutissartaat		Ammavoq
2020-06	Missingersuutinik malittarinninnermi uppernarsaaneq		Ammavoq

Ukiut siuliini kukkunersiusut oqaaseqaataaannut malitseqartitsineq

Nr.	Kukkunersiusut oqaaseqaataat	Innersuut	Pissutsit
2018-01	Suleriaatsit allaaserineqarnerat	4.1. 5.1. & 6.1.	Ammavoq
2018-02	IT-mik nakkutilliissutit nalinginnaasut	4.2.	Ammavoq
2018-03	Ingerlaavartumik nalunaarutiginninnerit soorluttaaq uki-umoortumik naatsorsuutit pillugit uppernarsaunerup pitsaassusiannik qulakkeerinninnerit	4.6. – 4.7.	Ammavoq
2018-04	Inummut paassisutissat pillugit inatsit	5.2.3.	Ammavoq
2018-05	Aqutsisut sulianik nakkutilliinerat	5.3.1. & 5.4.4.	Ammavoq
2018-06	Aningaasaliissutinik eqquutsitsineq	5.4.2.	Ammavoq
2019-01	Isumaginninnikkut suliassaqarfimmi sulianik ingerlatsinerup pitsaassusia	3.1.1.	Ammavoq

2019-02	Akissarsialerinerter suliassaqarfimmi suliassusiat	3.1.2.	Ammavoq
---------	--	--------	---------

Kommunip oqaaseqaatit qulaani allassimasut misissoreerpai aamma oqaaseqaatit ataasiakkaat akissutaat ilanngussatut nassiullugit. Kommunip oqaaseqaatit tamakkerlugin tusaatissatut tigui aamma immikkoortut maanna tamakkerlutik suliarineqalereerput imaluunniit suliarineqartussanngussapput.

ANINGAASATIGUT KINGUNISSAI:

Inassuteqaat kommunip aningaasaqarneranut kinguneqassanngilaq.

KINGUNISSAT:

Inassuteqaat kinguneqassanngilaq

INATSISITIGUT TUNNGAVIUSOQ

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq kiisalu Kommunit missingersuusiortarnerat, aningaasanik tigoriaannaateqarnerat, naatsorsuutaat, kukkunersiusoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq.

INASSUTEQAAT:

Allattoqarfiup inassutigaa, ataatsimiitaliaq INUA-ta kukkunersiusut 2020-mut oqaaseqaatai aamma kommunip oqaaseqaatinut akissutai akuerissagai, kiisalu communalbestyrelsimit akuerineqartussanngorlugit communalbestyrelsimit nassiutissagai inassuteqaataalluni.

ILANNGUSSAT:

Ilanngussaq 16-01 Deloittesip kukkunersiusutut Kommune Qeqertalimmut ukioq 2020-mut oqaaseqaatai DK aamma GRL

Ilanngussaq 16-02 Kommunip ukiumut kukkunersiusut oqaaseqaataannut akissuta DK aamma DA

AALAJANGERNEQ:

Ataatsimiitaliaq Inua ulloq 22. Marts 2022 ataatsimiinnerani aalajangerneq:

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq.

Suliap nr.	22-017	ilanngussap nr.	17	Journal nr.	
Sammisaq	22-017 ESANI A/S - piginneqataassutinik qularnaveeqqusiineq				

EQIKKAANEQ:

ESANI A/S Nuummi Sisimiunilu ikuallavissap aningaasalersorneqarnissaanut attartornissamut neqerooriusiortitsivoq. Attartortitsinissamut neqeroorut ulloq 17. december 2021 Suliffeqarfimmit nangaanartoqartitsilluni akuerineqarpoq. Attartukkat qulakkeerneqarnissaat nangaanartoqarnera eqqarsaatigalugu politikkikkut sularineqassaaq.

Kommunip ESANI-mi piginneqataasutaasa qularnaveeqqusiunneqarnissaat Kommunalbestyrelsimit aalajangiunneqarsimavoq, tqak. suliaq 22-005.

Uannga suliamik saqqummiineq attartornermut atatillugu suliffeqarfiup nammineerluni qularnaveeqqusineranut tunngassuteqarpooq.

SULIAP SAQQUMMIUNNEQARNERA:

Kommune Qeqertalik ESANI A/S-imik 25 %-imik piginneqataavoq Allat piginneqataasut tassaapput Kommuneqarfik Sermersooq, Qeqqata Kommunia aamma Kommune Kujalleq, tamarmik immikkut aamma 25 %-inik suliffeqarfimmut piginneqataassuteqartut.

Ulloq 24. februar 2022 Kommune Qeqertaliup suliffeqarfimmik piginneqataassutini qularnaveeqqusiutissagai kommunalbestyrelsimit aalajangerneqarpoq.

ESANI-mi piginneqataassutinik qularnaveeqqusiinissamut suliaqarnermut atatillugu paasineqarpoq suliffeqarfiup nammineerluni ikuallaavinnik qularnaveeqqusiiniarnera eqqarsaatigalugu ajornartorsiutitaqartoq.

Ajornartorsiutaasoq tassaavoq, kommunip suliffeqarfiutai pigisaminik (illututnik) qularnaveeqqusiisinnaanngitsut kommunalbestyrelsi akuersiteqqaarnagu. Kommunit ataatsimoorussamik suliffeqarfiutaa eqqarsaatigalugu imaappoq, kommunit piginneqataasut tamarmik sisamaasut kommunalbestyrelsii akuersitinneqqaqqaartussaammata.

Kommunalbestyrelsit suliffeqarfinnut taamaallaat akuersisinnaapput, suliffeqarfik minnerpaamik 25 % akiliisinnaaassuseqarpat. Tamatuma saniatigut suliniut imminut aningaasaqarnikkut napatissinnaasuseqartussaavoq. Tasssa imaappoq, ikuallaavinnit isertitat sanaartukkanik nappaanernut aningaasartuutinut minnerpaamik aningaasalersuutaassasut, soorlu aammattaaq ungasinnerusoq eqqarsaatigalugu aningaasaqarnerup nappaneqarsinnaaneranut attartorneq sunniuteqassanngitsoq.

ESANI aningaasaqarnikkut imminut napatinnisamik piumasaqaatinut naammassinnippoq aammalumi ungasinnerusoq eqqarsaatigalugu kommunimut piginittumut ajorisassanngitsumik sinneqartoorutinik tunniussaqartasalluni. ESANI minnerpaamik 25 %-inik akiliisinnaaassuseqarnissamut piumasaqaammut maannakkorpiaq naammassinnilaq. Suliffeqarfiup akiliisinnaaussusaa pitsangorsaqqaarneqassaaq kommunalbestyrelsi qularnaveeqqusiinissamut akuersissuteqassappat.

Taamaattumik kommuni piginnittuusoq Aningaasaqarnermut aamma Naligiissitaanermut Naalakkersuisoqarfimmit ataatsimiinnissamut aggersarneqarpoq. Ataatsimiinnermi aamma Nunalerinermut, Imminut Pilersornermut, Nukissiutinut Avatangiisinnullu Naalakkersuisoqarfik 50 mio. kr.-inik suliffeqarfimmut tapiisimasoq, ESANI aamma suliffeqarfiup kukkunersiusa Deloitte peqataapput.

Aningaasaqarnermut aamma Naligiissitaanermut Naalakkersuisoqarfip ataaatsimiinnermi kissaatigaa, suliffeqarfip aklisinhaassusaata qanoq pitsangorsarneqarsinnaanera pillugu periusissat eqqartorneqarnisaat. Ajornartorsiummut ataaatsimoorussamik aaqqiissuteqarniarnissaq ataaatsimiinnermi isumaqatigiissutigineqarpoq.

Eqqartueqatigiinnerit missueqqissaarnerillu tunngavigalugit Aningaasaqarnermut aamma Naligiissitaanermut Naalakkersuisoqarfik ulloq 24. februar 2022 allakkatigut nalunaaruteqarpoq aaqqiissutissamik siunnersuuteqarluni. Iluseq naapertorlugu Avatangiisnit aningaasaateqarfip suliffeqarfimmut tapiissutai 50 mio. kr.-isut suliffeqarfimmiit kommunimut nuunneqassapput, kommuni suliffeqarfimmut aningaasaliissuteqarnissaanik piumasaqaaserlugu.

Tamatuma saniatigut suli 10 mio. kr.-it suliffeqarfimmut aningaasaliissutigineqassapput. Annertunerusumik aningaasaliissuteqarnissamut pisariaqartitsineq Avannaata Kommunea ukioq 2021 piginneqataajunnaarniarluni aalajangerneranik pissuteqarpoq. Naalakkersuisoqarfip siunnersuutigaa kommuni piginneqataasut tamarmik suli 2,5 mio. kr.-nik suliffeqarfimmut aningaasaleeqqissasut.

Aningaasaqarnermut Naligiissitaanermullu Naaalakkersuisoqarfip kommuni piginnittut aaqqiissutissatut iluseq isummerfigeqqullugu piumaffigisimavai kingusinnerpaamillu ulloq 25. marts 2022 nalunaaruteqaqqullugit..

Aqutsisut inassutigaat, Aningaasaqarnermut aamma Naligiissitaanermut Naalakkersuisoqarfik nalunaaruteqassasoq aaqqiissutissatut ilusermut Kommune Qeqertalik ilanngutissasoq, taamaallilluni Avatangiisnit Aningaasaateqarfip tapiissutai kommunimut piginnittumuit tunniunneqassasut ESANI-mut aningaasaliissuteqarnissamut pisussaaffilerlugu. Tamastuma saniatigut aqutsisut siunneruutigaat, suli 10 mio.kr.-inik aningaasaliissuteqarnissaq pillugu Aningaasaqarnermut Naalakkersuisoqarfimmut oqaloqatiginnittoqassasoq. Avannaata Kommunia ESANI-mut piginneqataasunut ilannguteqqinnissani kissatigineraa ilaatigut misissorneqartariaqarluarpoq. Tamastuma saniatigut Avatangiisnit Aningaasaqateqarfimmiit imaluunniit allatigut namminersorlutik oqartussaat aningaasalersugaanik suliffeqarfip aningaasanik pisariaqartitaanik matussutissanut 10 mio.kr.-inik tapiissuteqartoqarnissaa qulakkeerniarlugu misissusoqartariaqarluarpoq. Piginnittumit nutaamiit imaluunniit Namminersorlutik Oartussaniit 10 mio. kr.-inik tapiisoqarnissaanik qulakkeerinittoqanngippat aqutsissut inassutigaat ESANI-mut Kommune Qeqertalik immikkut ittumik suli 2,5 mio. kr.-inik aningaasaleeqqissasoq.

Aaqqiissutissatut iluseq pillugu suliamik saqqummiussaq kommuninik allanik piginneqataasunut kiisalu Namminersorlutik Oqartusanut oqaloqatiginninnissamut aqutsisunut piginnaatitsissummit tunniussivoq. Ikuallaavinnik qulanaveequsiinissap sukkasuumik qularnaarneqarnissaa suliffeqarfimmit pisariaqartinneqarmat, ESANI-mut suli 2,5 mio.kr.-inik suliffeqarfimmut aningaasaleeqqinnissamut Borgmesteri pisinnaatitsissummit tyunineqassaaq kiisalu suliffeqarfip ikuallaavinnik qularnaveeqqusiinissamut akuersisummik piumasaqaatinut naammassinninnera nalunaarutigalugu.

Ataatsimititaliaq Inua aamma Kommunalbestyrelsi aaqqiissutissatut iluseq pillugu ilisimatinneqassapput tamatumalu malitsigisaanik kommunip iliuusissai ilanngullugit.

ANINGAASATIGUT KINGUNEQAATIT:

Qeqertalik Kommune 12,5 mio. kr.-inik Avatangiisnit Anaingaasaateqarfimmiit tapiisutinik tigusaqarpoq. Tapiissutit suliffeqarfimmut aningaasaliissutit aningaasaliissutigineqasspput imaluunniit ESANI-mut attartornermi akisussaasutut tunniunneqarlutik.

Kommuni suli 2,5 mio. kr.-nik ESANI-mut suliffeqarfimmut aningaasaliissuteqarpoq attartornermi akisusaalluni. Immikkut aningaasaliissuteqarneq suliffeqarfip aningaasaataannut tigoriaannaataanut

sunniuteqassaaq, taamaattorli ingerlatsinermut missingersuutinut sunniuteqassanani. Suliffeqarfimmut immikkut aningaasaliissutit oqimaaqtigiiqsinermut kontererneqassaaq.

Kommunip pilersaarutaasutut akisussaasutut attartornermi 2023 aningaasaliissutai, tak. kommunalbestyrelsip suliaq 21-022-mik suliarinninnera, 2022 akiliutigineqartussatut siuartinneqarpoq.

KINGUNEQAATIT:

Suliffeqarfiup aningaasanut atorniartarfinnurt qulanaveeqqusiinissamut akuersissut ukioq 2022-imut kommunip naatsorsuutaanut allanneqassapput.

Sanaartornermfi attartukkat atorsinnaalerniarlugit kiisalu piffissaq ungasinnerusoq eqqarsaatigalugu aningaasalersuinissamut ESANI ikualaaviit qularnaveeqqusiunnissaannut akduerineqaqqassaqq.

Sanaartornermi attartukkat ESANI-mit atorneqarsinnaanngippata sanaartukkat aningaassalaersornissaannut allanik periarfissarsiortariqaqassaaq. Tamanna suliniummik kinguaattoortitsissaaq akisunerulersitsillunilu. Naggataatigut eqqakkanik ikuallanneqarssinnaasunut aningaasartuuteqarnerunermik kommunimut kinguneqassaaq.

Inatsit tunngaviusoq:

- Kommunit suliffeqarfinnik pigisaasa sanaartukanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq.

SULIAP SULIARINEQARFIA:

Aalajangerneq ataatsimiitaliaq Inua-mi aamma Kommunalbestyrelsimi suliarineqassaaq. Tamatuma saniatigut kommunit piginneqataasunit allanit aamma Naalakkersuisunit, inatsisartut Aningaasaqarnermut- aamma akileraartarnermut Ataatsimiitaliaanit suliarineqassaaq.

Aningaasaliissutinik qaffaaneq suliffeqarfiup ataatsimeersuarnerani aammattaaq suliarineqassaaq.

INASSUTEQAAT:

Qullersaqarfik Ataatsimiitaliaq Inoqarfimmut ima inassuteqarpoq:

- Aqutsisut pisinnaatinneqassasut Aningaasaqarnermut aamma Naligiissitaanermut Naalakkersuisoqarfimmut nalunaaruteqassasut, Avatangiisinut aningaasaateqarfimmiit tapiissutit allanngortinneqqassasut kommunimullu tapiisutit tunniunneqarlutik aammalu taakku tapiissutit kommunimut ESANI A/S-imullu aningaasaliissutit tunniunneqarnissaat Kommuni Qeqertaliup akuerissagaa.
- Aqutsisoqatigut Aningaasaqarnermut aamma Naligiissitaanermut Naalakkersuisunit nalunaaruteqarnissamik pisinnaatinneqassasut, taamailluni KommuneQeqertalik ESANU A/S-imut 2,5 mio. kr.-it angullugit aningaasaliissuteqarsinnaasoq, piginneqataasut amerlinngippata imaluunniit Namminersorlutik Oqartussaniit amerlanerusunik tapiissutisinngikkunik.
- Borgmesteri pisinnaatinneqassasooq 2023-imut pilersaarutaasutut 3,3 mio. kr.-it aningaasaliissutit 2022-imut siuartinneqassasut, tak. suliaq 21-022.
- Borgmesteri pisinnaatinneqassasooq ESANI A/S-imut 2,5 mio. kr.-it angullugit suliffeqarfimmut aningaasaliissuteqassasooq imaluunniit attartortutut akisussaasutut aningaasaliisutit.
- Borgmesteri pisinnaatinneeqassasooq, Avatangiisinut Aningaasaateqarfimmiit tapiissutinik tigusaqarnissasaq kiisalu suliffeqarfimmut taakku aningaasaliisutit atorneqarnissaat tapiissutit aningaasaliissutit pilersissagai aamma akuerissagai.
- Borgmesteri Kommunalbestyrelsi sinnerlugu pisinnaatinneqassasooq, ESANI A/S-mut nalunaaruteqassasooq ikualaavinnut A-nr. 957-0800-01412 Sisimiunittumut aamma A-nr. 956-

0600-11667 Nuumiittumut taanna qularnaveeqqusiissasoq suliffeqarfiup Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersumi § 3 naammassisimappagu. Akuersissut ukioq 2022-imut kommunip ukiumoortumik nalunaarusiaanut ilanngunneqassaaq.

- - suliaq aalajangiiffigisassanngorlugu Kommunalbestyrelsimit ingerlateqjinneqassasoq

ILANNGUSSAT:

Ilanngussaq 17-01 Brev fra Finansdept. brev om kombest godkendelser til ESANI_24-02-2022_KAL

AALAJANGERNEQ:

Ataatsimiitaliaq Inua ulloq 22. Marts 2022 ataatsimiinnerani aalajangerneq:

Inassuteqaat amerlanerussuteqartut akuerivaat.

Siumut: inassuteqaatinik akuersinngilaq.

AALAJANGERNEQ:

Siumut: Inassuteqaammik itigartitsippu, suliap ataqatigiissumik ingerlanneqarnissaanik Siumut kissaateqarpoq. Siumumit ernumassutigineqarpoq aningaasarpassuit pineqartillugit pipallataasumik sulisoqarnera, allaat borgmester mio. taamannak pineqartut communalbestyelsi sinnerlugu akuersissussanngortinneqarluni, kissaatigineqarpoq pisussaasut suliaq pillugu nuna tamakkerlugu attanneqarsinnaasumik suliaq inaarnileqqullugu (Inatsisartut) qinnuigineqassasut.
Amerlanerussuteqartut inassuteqaat akuerivaat.

Suliap nr.	22-018	ilanngussap nr.		Journal nr.	
Sammisaq	22-018 Sanaartornermut- aamma iluarsartuussinernut Aningaasaateqarfimmik pilersitsineq				

EQIKKAANEQ:

Ukioq 2021-mi missingersuusiornermut- aamma naatsorsuuserinermut inatsisip allanngortinneqarneratigut Kommunit periarfissaqalerput sanaartornermut- aamma iluarsartuussinernut aningaasaateqarfimmik pilersitsinissamut. Una suliamik saqqummiineq atorlugu Kommune Qeqertalik naatsorsuuserinermi teknikkikkut ssanaartornermut- aamma iluarsartuussinernut aningaasaateqarfimmik pilersitsivoq.

SULIAP SAQQUMMIUNNEQARNERA:

2021-ip ukiaanerani Inatsisartut aalajangiuppaat, kommunit Naalakkersuisutulli naatsorsuuserinermi teknikkikkut sanaartornermut- aamma iluarsartuussinernik aningaasaateqarfimmik pilersitsinissamut periarfissaqalissasut.

Sanaartormut- aamma Iluarsartuussinernut Aningaasaateqarfik missingersuusioriaatsimut naatsorsuusioriaatsimullu aningaasaateqarfivoq kommunip karsianut ilaatinneqartoq. Tassa imaappoq aningaasaateqarfik sutigut tamatigut pingaassutsimigut Nunatta Karsianut naleqqersunneqarsinnaavoq, soorlu aningaasaateqarfimmi aningaasat tigoriaannaat Nunatta Karsiani aningaasanut tigoriaannarnut ilaasut.

Ukiumoortumik naatsorsuutit aamma sanaartugassanut ilassutitut aningaasaliissutaaratarsinnaasut aningaasaateqarfimmut nuunneqassapput takkulu aningaasaateqarfiup isertitaatut isigineqassallutik. Sanaartukkat tigussaasut naammassineqarnerannut atatillugu Aningaasaateqarfiup aningaasartuutai akiliutigineqartutut inissinneqassapput. Aningaasartuutit Sanaartornermut- aamma Iluarsartuussinernut Aningaasaateqarfimmi naatsorsorneqassapput.

Sanaartornermut tunngatillugu akiliutit nikingassutaat naapertorlugit akiliutit nikingassutaat aningaasaateqarfimmi nalimmassarneqassapput. Tamanna isumaqarpooq ilassutitut aningaasalersuinissamik pisariaqartitsineq pisariaarutissammat

Sanaartugassatut pilersaarutit taamaatinneqarnerisa malitsigisaannik aningaasaateqarfimmi aningaasartuut ikinneruffiusut imaluunniit sanaartugassani ataasiakkaani aningaasartuut ikinneruffiusut allat pilersaarutip naammassineqarnerani koommnip karsianut utertinneqartassapput.

Sanaartornermut- aamma iluarsartuussinernut Aningaasaateqarfimmik pilersitsineq sanaartukkannut suliniutinut aningaasaqarnikkut aqtsinermik oqinnerulersitsissaaq. Aningaasaateqarfiup suliniutai pillugit piffissalersukkanik nalunaarusiortoqarsinnaavoq.

Sanaartornermut- aamma iluarsartuussinernut Aningaasaateqarfimmik pilersitsineq, aningaasaateqarfiup suliai pillugit Kommunalbestyrelsimit ukiumoortumik nalunaarusiortarnissamik Ataatsimiitaliamut INUA-nut pisussaaffiliivoq. Pilersaarutit nutaat, pilersaarutit aallartinneqareersut aamma pilersaarutit naammassineqartut unitsiinnakkalluunniit pillugit killifimmik immikkut ittumik nassuaat imaqqassaaq Nalunaarusiaq taanna communalbestyrelsimit tunniunneqassaaq, kommunip naatsorsuutai ilanngullugit.

Sanaartornermut- aamma iluarsartuussinernut Aningaasaateqarfiup Ingerlatsineq aamma aningaasaqarnermut aqtsineq pillugu Ilitsersuut malippaa, matumani suliassanut piginnaatitsinissamut pilersaarut ilanngullugu.

ANINGAASATIGUT KINGUNEQAATIT:

Sanaartornermut- aamma iluarsartuussinernut Aningaasaateqarfimmik pilersitsineq sanaartukkannut suliniutinut aningaasaqarnikkut aqtsinermik oqinnerulersitsissaq. Matumani suliniutinut sanaartornermi atortussanik pilersuisussaqalernissaq, suliassamut akimik naammaginartunik naammassinnissinaasunik utaqqinermi kinguartitsinissaq periarfissaalissaq. Taamaaliorneq sanaartukkanut aningaasartuutikinnerunermik kinguneqarsinnaavoq.

KINGUNEQAATIT:

Aningaasaqarnermut immikkoortortaqarfiup kommunimi aningaasaqarnikkut periuseq atorneqartoq ERP atorlugu aningaasaateqarfik pilersissavaa. Sanaartukkanut aallartisarneqartunut aningaasaateqarfimmik suliniutitut pilersiortorneqassapput.

Aningaasaateqarfimmik pilersitsineq Kommunip kukkunersiusuanut maluginniaqquneqassaaq.

2022-imi sanaartukkanut aningaasaliissutit aamma sanaartugassatut suliniutit sanaartornermut- aamma iluarsartuussinernut aningaasaateqarfimmut nuunneqassapput.

Inatsit tunngaviusoq:

- Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq kingusinnerusukkut allanngutilik.

SULIAP SULIARINEQARFIA:

Suliassaq Ataatsimiititaliaq Inua-mi aamma Kommunalbestyrelsimi sularineqassaaq

INASSUTEQAAT:

Cullersaqarfik Ataatsimiititaliaq Inoqarfimmut ima inassuteqarpoq:

- Kommune Qeqertalimmi Sanaartornermut- aamma iluarsartuussinernut Aningaasaateqarfik pilersinneqasasoq
- Aningaasaateqarfimmik pilersitsineq pillugu kommunip kukkunersiusua ilisimatinneqassasoq
- Sanaartukkanut aningaasaliissutit aamma 2022-imi sanaartukkanut aningaasartuutit aningaasaateqarfimmut nuunneqassasut
- suliaq aalajangiiffigisassangorlugu Kommunalbestyrelsimit ingerlateqqinneqassasoq

ILANNGUSSAT:

soqanngilaq

AALAJANGERNEQ:

Ataatsimiititaliaq Inua ulloq 22. Marts 2022 ataatsimiinnerani aalajangerneq:

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq.

Suliap nr.	22-019	Ilanngussap normua	19	Journal nr.	
Eqqartugaq	22-019 Upalungaarsimaneq pillugu ataatsimiititaliamut ilaasortassamik ataatsimik qinersineq				

EQIKKAANEQ:

Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 31, imm. 2 naapertorlugu ataatsimiititalianut ataavartunut qinersereernerup kingorna, kommunalbestyrelse ataatsimiititalianut allanut, suleqatigiissitanut, siulersuisunut il. il. kommunalbestyrelse ilaasortassanik qinersisussaavoq.

SULIAP SAQQUMMIUNNEQARNERA:

Kommunalbestyrelsi 3. Maj 2021 inissitsiterluni ataatsimiinnerani upalungaarsimanissamut ataatsimiititaliamut toqqaanermini uku toqqarpai:

- Borgmester Ane Hansen
- Klaus Lundblad
- Nikkulaat Jeremiassen

Sinniisussallu ukut:

- Bia A. Broberg, Klaus Lundbladimut sinniisussatut
- Aqqa Samuelsen, Nikkulaat Jeremiassenimut sinniisussatut

Upalungaarsimanissamut ataatsimiititaliaq

Siulersuisut minnerpaamik arfinilinnik ilaasortaqaartussaavoq, taakkunannga kommunalbestyrelsimi toqqarneqassapput:

- Kommunalbestyrelsi sinnerlugu sisamat, taakkunannga pingasut kommunalbestyrelsimi ilaasortaassapput, ataaseq kommunalbestyrelsimi ilaasortaasariaqanngilaq.
- Suliassaqarfik Inoqarfimmik, teknikimut tunngasumik sulialik ataaseq.
- Qulaani taaneqartut saniatigut kommunimi upalungaarsimanissamut pisortaq aamma Kalaallit Nunaani Politimesterimit toqqarneqartoq ataaseq.

Kommunalbestyrelsimi ilaasortaasimasoq Nikkulaat Jeremiassenip, kommunalbestyrelsimit tunuarmat, upalungaarsimaneq pillugu ataatsimiititaliami ilaasortassamik nutaamik toqqaasoqarsimanngilaq. Nutaamillu toqqaasoqaqqinnissaanut suliaq saqqummiunneqarpoq. Saqqummiunneqaaqqinnerani teknikikkut suliaqartumik aamma toqqaanissaq ilanngullugu inassutigineqarpoq, takuuk § 5 imm. 2 Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaliuinermi iliussissat pillugit Inatsisartut inatsisaat nr. 14, 26. maj 2010-meersumi takuuk § 5 imm. 2.

ANINGAASATIGUT KINGUNISSAI:

Soqanngilaq.

INATSISITIGUT TUNNGAVIUSOQ

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaliuinermi iliussissat pillugit Inatsisartut inatsisaat nr. 14, 26. maj 2010-meersoq

SULIAP SULARINEQARFIA:

Kommunalbestyrelsi.

INASSUTEQAAT:

Kommunalbestyrelsi qinnuigineqarpoq:

- Upalungaarsimanissamut ataatsimiititalami ilaasortassanik kommunalbestyrelsimi ilaasortat akornanni ataatsimik, Nikkulaat Jeremiassenip toqqagaaffigisimasaanut nutaamik toqqaassasoq, aamma suliassaqarfik Inoqarfimmi atorfilimmik ataatsimik toqqaassasoq.

ILANNGUSSAT:

Soqanngilaq.

AALAJANGERNEQ:

Kommunalbestyrelsimiit toqqarneqarpoq: Aqqa Samuelsen, sinniisoralugu: Enok Sandgreen.

ILISIMATITSISSUTIT

Suliap nr.	22-020	Ilanngussap nr.	20	Journal nr.	
Sammisaq	22-020 Immikkut qinnuteqaat innarluutillit pillugit naalakkersuisoqarfimmum nassiunneqarpoq				

EQIKKAANEQ:

Immikkut qinnuteqaat Meeqqat, Inuuusuttu llaqutariinnullu Naalakkersuisoqarfimmum nassiunneqarpoq, Kommune Qeqertalimmi innarluutillit siunnersuisooqatigii katitigaanerannik isumaginnittussamut.

SULIAP SAQQUMMIUNNEQARNERA:

Kommune Qeqertalimmi allattoqarfik neriuuteqarpoq 2022-mi maajimi ataatsimut meeqqat isumassiorfiannut, innarluutillit siunnersuisooqatigiivinut aammalu utoqqaat siunnersuisooqatigiivinut qinersisoqassasoq. Innarluutillit siunnersuisooqatigiivinut utoqqaallu siunnersuisooqatigiivinut ileqqoreqqusat nutarternissaat pisariaqarsimavoq. Utoqqaat siunnersuisooqatigiivisa meeqqat isumassiorfiannut qanillinerat akornutaasimannilaq. Kisiannilu innarluutillit siunnersuisooqatigiivinut katiterineq inatsimmi allaaserineqarpoq. Taamaattumik allattoqarfik naalakkersuisoqarfimmum immikkut qinnuteqarpoq innarluutillit siunnersuisooqatigiivisa katiternissaannut.

Kommune Qeqertalik najukkami aqutsinermik kissaatiginninneq tunngavigalugu pilersinneqarpoq.

Allaanerusumik aaqqissuussineq, inatsit aaqqissuussamik aqutsinermut qanganisarsiortumik tunngavilimmut tulluarsarniarnera unammillernarsimavoq.

Sumiiffinit sinniisuutitaqarnissat naammassiniarlugu aammalu sunnioqataasinnaatinsiniarluni Kommune Qeqertalik ukiarmi Meeqqat lsummersorfiannut qinersitsitsivoq. Qinigassanngortittut qinersisartullu Meeqqat lsummersorfiannut qinersinnginnermi nassuarneqarput, qinigassanngortittullu ima immikkoortiterneqarlutik qinerneqarput: Aasiannit meeqqat sinnisaat marluk (illoqarfinit allanik pingasoriaammik amerlanerusunik innuttaasulik), aamma illoqarfinit allanit sinnisoq ataaseq, katillugit meeqqat qinikkat tallimat.

Ilusiliussaq taanna oqartuussaassuseqartitsisuuvvoq Kommune Qeqertaliullu najukkami sunneeqataasinnaanermut kissaataanut tulluartuulluni.

Taamaattumik inissiineq kissaatigineqartoq inuit innarluutillit siunnersuisooqatigiivisa tulleriinneri:

Aasiannit ilaasortat marluk (kiisalu sinniisussat)

Qeqertarsuarmit ilaasortaq ataaseq (kiisalu sinniisussaq)

Qasigiannguanit ilaasortaq ataaseq (kiisalu sinniisussaq)

Kangaatsiamit ilaasortaq ataaseq (kiisalu sinniisussaq)

ANINGAASATIGUT SUNNIUTISSAT:

- Aningaasatigut sunniutissat pioreersut iluanni.

SUNNIUTISSAT:**INATSISITIGUT TUNNGAVIK:**

Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersumut, § 69, imm. 4

SULIAP SULIARINERA:

Kommunalbestyrelse

INASSUTEQAAT:

Pisortaaqatigiit *innersuussutigaat Kommunalbestyrelsip ilisimatitsineq tusaatissatut tigussagaa*

ILANNGUSSAQ:

Ilanngussaq 20-01 Immikkut qinnuteqaat kal aamma da

AALAJANGIINEQ:

Tusaatissatut tiguneqarpoq.

Suliap nr.	22-021	Ilanngussap nr.	21	Journal nr.	
Sammisaq	22-021 Borgmesterip kommunalbestyrelsi sinnerlugu aalajangernera pillugu ilisimatitsissut				

EQIKKAANEQ:

Borgmesterip kommunalbestyrelsi sinnerlugu aalajangernera:

Ulloq	Suna pillugu
16. marts 222	Kommuni Qeqertalimmi qassusersorluni qaleralinniarnerup sivtsorneqarnissaanik qinnuteqarneq

Suliat saqqummiunneqarnerinut tunngasut ilanngussatut ilanngunneqarput.

SULIAP SULIARINEQARFIA:

Una Kommunalbestyrelsimit ilisimatitsissutaavoq.

INASSUTEQAAT:

Allattoqarfimmuit kommunalbestyrelsimit inassutigineqarpoq ilisimatitsissut tusaatissatut tiguneqassasoq.

ILANNGUSSAT:

Ilanngussaq 21-01 03-2022 16-03-2022 gl formandsbeslutning

Ilanngussaq 21-02 NAPP allagaqaataa

Ilanngussaq 21-03 KAPP allagaqaataa

Ilanngussaq 21-04 Kommunalbestyrelsemi ilaasortap ilaliinera

Ilanngussaq 21-05 Naalakkersuisoqarfimmuit allakkiaq

AALAJANGERNEQ:

Tusaatissatit tiguneqarpoq.

Suliap nr.	22-022	Ilanngussap nr.	22	Journal nr.	
Sammisaq	22-022 Piffissami februar 2022-mi naatsorsuutit pillugit ilisimatitsineq				

Eqikkaaneq:

Ilisimatitsinermi matumani Kommunalbestyrelse piffissami februar 2022-mi naatsorsuutit tigui.

Suliap saqqumiunneqarnera:

Kommune Qeqertalik nutaamik aningasaqarnermut systemimik atuutsitsilerpoq. Systemimi isertitat aningaaasartuutilu nalunaarsornerini suli kukkanneqartarpooq. Isertitat aningaaasartuutilu nalunaarsorneqarnerinut atatillugu naatsorsuuserivik suli iluarsaassivoq. Sulisunut nalunaarsuinermut akisussaasunut ilitsersuummik suliarinnittooqarpoq, taamaalilluni kukkunerit annikillisinneqassallutik.

Kvartalikkaartumik naatsorsuutit suliarineqassapput, qaammammi martsimi naatsorsuuserineq matusimalerpat.

Aningaaasatigut sunniutissat:

Soqanngilaq

Sunniutissat:

Soqanngilaq

Inatsisitigut tunngavik:

- Kommunit Namminersorlutilu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Kommunit missingersuusiortarnerat, aningaaasanik tigoriaannaateqarnerat, naatsorsuutaat, kukkanersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- Ingerlatsinermut aningaaasanillu aqtsinermut ilitsersuut, Kommune Qeqertalik, 01.01.2018

Suliap suliarinera:

Ataatsimiitaliaq Inua piffissami naatsorsuutit pillugit ilisimatinneqartassaaq, Ingerlatsinermut aningaaasanillu aqtsinermut ilitsersuut naapertorlugu.

Inassuteqaat:

Qullersaqarfuiup Kommunalbestyrelsimit inassuteqaatigaa:

- Piffissami naatsorsuutit tusaatissatut tiguneqassasut.

Ilanngussaq:

Ilanngussaq 22-01 Piffissami februar 2022-mi naatsorsuutit

Aalajangiineq:

Tusaatissatut tiguneqarpoq.

ATAATSIMIINNEQ NAAVOQ:**ATSIORFISSAQ:**

Hansen, Ane

Lundblad, Frantz

Broberg, Bia A.

Nathanielsen, Karl Thue

Aronsen, Hans

Lundblad, Klaus

Kristensen, Niels

Larsen, Mariane S.

Jeremiassen, Kristian

Kristensen, Naja

Samuelsen, Marius

Sandgreen, Enok

Samuelsen, Aqqa

Frederiksen, Ole I.
